

प्रभु कर स्वर्गीय मदईत



“ प्रभु कर स्वर्गीय मद्दहैत ”

रऊरे कर सुबिधा लागिन छोट किताब कर सूप में प्रकाशित करल जा हे, जेकर से कि राऊरे इके सोव बेरा सहज से राईख राहू आऊर, तनि कन समय पाले हो आपन समय के नष्ट ना कईर के इके पईढ़ के लाभ उठाय सकू।

इकर विषय पवित्र शास्त्र से चुनल जा हे। हमर विश्वास अहे कि पवित्र शास्त्र आपन पद मन के अपने सफा-सफा बताएला। मोंय आशा करोन कि ई पद मन प्रभु कर सुसमाचार स्पष्टता से देवेक पारवयँ।

परमेश्वर कर वचन सत कर खोजी मन कर लगिन लाभ-दायक अहे। जखन केऊ अदमी आपन पाप के माईन के गोटा जीऊ से मसीह यीशु उपरे विश्वास करेला तखन प्रभु यीशु मसीह अपन शाँति के विश्वासी कर हृदय में डाईल देवेला। ई अनुभव मोके १६३७ में भेलक। इकर पांचे मोर सम्पर्क परमेश्वर से कहियो नी छुटलक।

राऊर से मोर अर्जी अहे कि राऊरे हो प्रभु यीशु के आपन जीवन देई के उद्धार कर्ता अपनाय लेऊ।

— वाटसन गुडमैन ।

मुदा परमेश्वर हमर उपरे आपन प्रेम कर भलाई
ई तईर से परगट करेला कि जखन हमरे पापी हे रहली
तखने हे मसीह हमर लागिन मोरलक । — रोमियो ५ : ८

पसका परब कर आगे जखन यीशु जाईन गेलक कि
मोर ऊ घड़ी आय जाहे कि दुनिया छोईड़ के बाप ठिन
जामू, तो आपन अदमी मन से, जे दुनिया में रहलय,
जईसन प्रेम ऊ राखत रहे, ऊसने हे प्रेम आखिरो तक
राखते रहलक । — यूहन्ना १३ : १

आऊर यीशु मसीह दने से, जे विश्वास जोग साक्षी
आऊर मोरल मन से जी ऊठेक वाला मन में पहिलौठा
आऊर दुनिया कर राजा मन कर हाकिम हेके, तोहरे के
अनुग्रह आऊर शाँति मिलते रहोक, जे हमरे से प्रेम राखेला
आऊर जे आपन लोहू कर द्वारा हमरे के पाप से छुड़ालक ।
— प्रकाशित वाक्य १ : ५

काले कि परमेश्वर ई दुनिया से अईसन प्रेम करलक
कि ऊ आपन एकलौता बेटा के दई देलक, जेकर से जे केऊ
उकर ऊपरे विश्वास करि, से नाश नी होवी मुदा अनन्त
जीवन पावी । — यूहन्ना ३ : १६

यहोवा मोके दूर से दरसन दई के कहलक मोयँ तोर से अनन्त
प्रेम करत आय हों सेकरे से मोयँ तोर ऊपरे आपन कहणा
बनाए राईख हों । — यिर्मयाह ३१ : ३

(२) प्रभु यीक्षु न्सीहू कर तेज

ई सीब ई लागिन भेलक कि जे वचन प्रभु भविष्य द्रक्ता कर द्वारा कईह रहे, से पुरा होई, कि देखा एक गो डिड़ा भारी गतर होवी आऊर एक गो छऊवा जनमाई आऊर उकर नाम इम्मानुएल राखल जाई, जेकर माने, “परमेश्वर हमर साथ” । — मती १ : २२, २३

आदि में वचन रहे, आऊर वचन परमेश्वर कर साथ रहे, आऊर वचन परमेश्वर रहे । आऊर वचन देह धारण करलक, आऊर अनुग्रह आऊर सच्चाई से भईर के हमर बीच में डेरा करलक, आऊर हमरे उकर अईसन महिमा देखली, जईसन कि बाप कर एकलौता कर महिमा । — यूहन्ना १ : १, १४

आऊर इकर में सन्देह नखे कि भक्ति कर भेद गभीर अहे, अर्थात् ऊ जे गतर में परगट भेलक, आत्मा में धरमी ठहरलक, स्वर्गांदूत मन के दिसलक, अन्य जाति मन में उकर परचार होलक, दुनिया में उकर ऊपरे विश्वास करल गेलक, आऊर महिमा में ऊपरे उठाल गेलक । — १ तीमुथियुस ३ : १६

यीसु उके कहलक; हे फिलिप्पुस, मोय॑ एतई दिन से तोहर साथ अहों, आऊर का तोय॑ मोके नी जानिसला ? जे मोके देईख हे से बाप के देईख हे, तोय॑ काहे कहिसला कि हमरे के बाप के दिखाय दे । का तोय॑ विश्वास नी करिसला कि मोय॑ बाप में अहों आऊर बाप मोर में अहे ? — यूहन्ना १४ : ६, १०

यीशु, परमेश्वर कर बेटा (३)

१ यूहन्ना ४:१५

जे केऊ ई माईन लेवेला कि यीशु परमेश्वर कर बेटा अहे पर-
मेश्वर उकर में बनल रहेला आऊर ऊ परमेश्वर में ।

कुलुस्सियों २:६

काले कि उकर में ईश्वरत्व कर सोब भूरपुरी गतर समेत बास
करेला ।

यशायाह ६:६

काले कि हमर लगिन एकगो बालक जनमलक, हमरे के एक
गो बेटा देवल जाहे, आऊर प्रभुता उकर काईधूमें होवी, आऊर
उकर नाम अङ्गूत, युक्तिकरेकवाला, पराकमी परमेश्वर, अनन्त
काल कर बाप आऊर शाँति कर राजकुमार राखल जाई ।

मत्ती १७:५

ऊ कहते रहे कि देखा, एकगो उजर बदरी ऊ मन के ढाईप
लेलक, आऊर देखा, ऊ बदरी में से ई शबद भेलक कि ई मोर
प्रिय बेटा हेके, जेकर से मोयँ खुश अहो, इकर सुना ।

लूका १:३५

स्वर्गदूत उके कहलक कि पवित्र आत्मा तोर उपरे आवी,
आऊर परम परवान कर सामर्थ तोर उपरे छाईं करी, सेकर
चडे ऊ पवित्र जे जनम लेवेक वाला अहे, परमेश्वर कर बेटा
कहाई ।

(४) यीशु न्सीहु बताएला कि जा के हेके

यूहन्ना ११:२५

यीशु उके कहलक, पुनरुत्थान आऊर जीवन मोहे हेकों ।
जे केझ मोर ऊपरे विश्वास करेला, यदि मोईर भी जई तऊ
भी जीई ।

यूहन्ना १३:१३

तोहरे मोके गुरु आऊर प्रभु कहल, आऊर ठीके कहल,
काले कि मोयँ ओहे हेकों ।

यूहन्ना ८:२३

ऊ ऊमन से कहलक, तोहरे हेठे कर हेका, मोयँ ऊपरे
कर हेकों, तोहरे संसार कर हेका, मोयँ संसार कर न लागों ।

यूहन्ना ८:५८

यीशु ऊमन से कहलक, मोयँ तोहरे से सत सत कहाथों
कि इत्राहीम जनमलक उकर आगे हे ले मोयँ अहों ।

यूहन्ना ६:५

जखन तक मोयँ दुनिया में अहों, तखन तक दुनिया कर
ईंजोत हेकों ।

यूहन्ना १०:७

तले यीशु ऊमन से फिन कहलक, मोयँ तोहरे से सत सत कहाथों
कि भेड़ी मन कर दुरा मोयँ हेकों ।

यूहन्ना ६:३५

यीशु ऊमन के कहलक, जीवन कर रोटी मोहे हेकों, जे मोर
ठिन आवी से कभी भूखा नी होवी, आऊर जे मोर ऊपरे विश्वास
करी से कभी प्यासा नी होवी ।

मती १४:१६-२१

तले ऊ अदमी मन के घास ऊपरे बईठेक कहलक, आऊर ऊ पाँच रोटी आऊर दुई गो मछरी के लेलक, आऊर स्वर्ग दने देईख के जोहार करलक आऊर रोटी मन के तोईड़ तोईड़ के चेला मन के देलक आऊर सोब खाय के अधाय गेलयँ, आऊर ऊ मन बचल टुकड़ा मन से भरल बारो गो टोकरी उठालयँ। आऊर खायेक वाला मन जनाना आऊर छऊवा मन के छोईड़ के अंदाज पाँच हजार मर्दिना मन रहयँ।

लूका ५:४-६

जखन ऊ गोठियाय चुकलक, तो शमौन से कहलक, ग हरा बटे लेई चल आऊर मछरी धरेक लगिन आपन जाल के डाल। शमौन उके कहलक, ए गोमके, हमरे गोटा राईत हिम्मत करली आऊर कोनो नी धरली; तेईयो तोहर कहल से जाल डालमू। जब ऊ मन अईसन करलयँ तो ढेर सन मछरी धईर आनलयँ आऊर ऊ मन कर जाल फाटेक लागलक।

मती २०:३०-३४

आऊर देखा, दुई गो अन्धरा, जे सड़क किनार में बईठल रहयँ, ई सुईन के कि यीशु जाथे, पुकराय के कहेक लागलयँ, कि हे प्रभु; दाऊद कर सन्तान, हमरे उपरे दया कर। अदमी मन ऊ दुईयो के धमकालयँ कि चुपे रहा; मुदा ऊ दुईयो आऊर चिलाय चिलाय के कहलयँ, हे प्रभु, दाऊद कर सन्तान हमरे उपर दया कर। तले यीशु ठढ़ालक, आऊर ऊ दुईयो के बुलाय के कहलक तोहरे का खोजल कि मोयँ तोहरे लगिन करमू? उ दुईयो उकर से कहलयँ; हे प्रभु, ई कि हमरे कर आईख खुईल जावोक। यीशु तरस खायके ऊ दुईयो कर आईख के छलक, आऊर ऊ दुईयो तुरतेहे देखेक लागलयँ आऊर उकर पीछे होई गेलयँ।

(६) यीशु मसीह सष्टिकर्ता
आऊर प्रस्तु हेके

कुलुस्सियों १:१६

काले कि उकरे में सोब चीज मन कर सृष्टि भेलक, स्वर्ग कर होक चाहे दुनिया कर, देखल चाहे अनदेखल, का सिंहासन, का प्रभुता, का प्रधानता, का अखित्यार, सोभे चीज उकरे द्वारा आऊर उकरे लगिन सिरजल जा हयँ ।

रोमियों १४:६

काले कि मसीह ई लगिन मोरलक आऊर जी हो उठलक कि मोरल आऊर जीयत मन दुईयो कर प्रभु होई ।

यूहन्ना १:३

सोब चीज उकरे द्वारा सिरजल गेलक आऊर जे कुछ सिरजल गेलक उकर में से कोनो हो चीज उकर बेगर नी सिरजल गेलक ।

१ कुरिन्थियों १:६

परमेश्वर सत हेके, जे तोहरे मन के आपन बेटा हमरे कर प्रपु मसीह कर सगति में बुलाय हे ।

प्रेरितों २:३६

से लगिन अब इस्त्राएल कर पूरा धराना निश्चय जाईन लेवोक कि परमेश्वर ओहे यीशु के जेके तोहरे कूस उपरे चधाला, प्रभु हो ठहरालक और मसीह हो ।

यीशु मसीह सोब कर न्यायी हेके (७)

प्रेरितों १०:४२

आऊर ऊ हमरे के आज्ञा देलक कि अदमी मन में परचार करा
आऊर गोवाह देवा कि ई ओहे हेके; जे के कि परमेश्वर जीयत
आऊर मोरल मन कर न्यायी ठहराय हे ।

रोमियों २:१६

जे दिन परमेश्वर मोर सुसमाचार कर अनुसार यीशु मसीह
कर द्वारा अदमी मनक छिपल गोईठ मन कर विचार करी ।

२ तीमुथियुस ४:१

परमेश्वर आऊर मसीह यीशु के गोवाह कईर के, जे जीयत
मन आऊर मोरल मन कर विचार करी, उके आऊर उकर परगट
भेएक, आऊर राईज कर सुधि दिलाय के मोयँ तोके चेताथों ।

मती २५:३२

आऊर सोब जाईत मन उकर आगे जमा करल जावयँ; आऊर
जईसन चरवाहा भेड़ी मन के छगरी मन से जुदा कईर देवेला,
उसनेहे से ऊ मन के एक दूसर से जुदा करी ।

यूहन्ना ५:२२

आऊर बाप केकरोहो विचार नी करेला, मुदा विचार करेक
कर सोब काम बेटा के सोईप देई हे ।

रोमियों १४:१०

तोयँ आपन भाई ऊपरे दोष काले देविसला ? चाहे तोयँ फिन
काले आपन भाई के नीचा देखिसला ? हमरे सोब के परमेश्वर
कर विचार सिंहासन कर आगे ठढाएक होई ।

(५) छुटकारा केवल यीशु न्सीह कर द्वारा अहे

यूहन्ना १०:६

दुरा मोयँ हेकों; जदि केऊ मोर द्वारा भीतरे ढुकी तो उद्धार पावी, आऊर भीतरे बाहर आवा जावा करि आऊर चारा पावी।

यूहन्ना १४:६

यीशु उकर से कहलक डहर आऊर सत आऊर जीवन मोहे हेकों; मीर बिना केऊ बाप ठिन नी जाय सकेला।

यूहन्ना ८:२४

सेकर से मोयँ तोहरे से कहलों कि तोहरे आपन पाप में मोरबा; काले कि जदि तोहरे विश्वास नो करबा कि मीयँ ओहे हेकों तो आपन पाप में मोरबा।

इब्रानियों ५:६

आऊर सिध्द बईन कईर के आपन सोब हुकूम मानेक वाला मन लगिन सोब खन कर उध्दार कर जरिया होई गेलक।

प्रेरितों ४:१२

आऊर केऊ दूसर कर द्वारा उध्दार नखे, काले कि स्वर्ग कर नीचे अदमी मन कर बीच में आऊर केऊ दूसर नाम नी देवल जाहे जेकर द्वारा हमरे उध्दार पाय सकिला।

इब्रानियों ६:५

सेकर से जे केऊ उकर ठिन आवेन, ऊ उमन कर पूरा-पूरा उध्दार कईर सकेला, काले कि ऊ ऊमन कर लगिन बिनती करेक ले सोब खन जीयत अहे।

छुटकारा केवल यीशु मसीह कर द्वारा अहे (६)

कुलुस्सियों १:१२-१४

आऊर बाप कर जोहार करते रहा जे हमरे के ई लाईक बनालक कि ईंजोत में पवित्र मनकर साथ मोरास में भागीदार होवब। ओहे हमरे के अंधकार कर वश से छुड़ाय के आपन प्यारा बेटा कर राईज में प्रवेश करालक, जेकर में हमरे के छुटकारा अर्थात् पाप कर क्षमा मिलेला।

लूका १६:१०

काले कि अदमी कर बेटा हेराल मन के खोजेक आऊर ऊ मन कर उध्दार करेक आय हे।

तीतुस २:१४

जे आपन आप के हमरे खातिर देई देलक, कि ऊ हमरे के सोब अधरम से छुड़ाई, आऊर शुध्द कईर के आपन लगिन एगो अईसन जाईत बनावी जे बेस-बेस काम में सरगरम रही।

१ कुरिन्थ्यों १:३०

मुदा उकरे दने से तोहरे मसीह यीशु में अहा जे परमेश्वर दने से हमर लगिन ज्ञान ठहरलक, अर्थात्, धरम आऊर पवित्रता आऊर छुटकारा।

प्रकाशित वाक्य ५:६

आऊर ऊ मन ई नवा गीत गायेक लागलयँ कि तोयँ ई किताब के लेवेक आऊर इकर मुहर मन के खोलेक लगिन लाईक अहिस; काले कि तोयँ बव ह ईके आपन लोहू से सोब कुल आऊर भाषा आऊर अदमी मन आऊर जाईत मन में से परमेश्वर लगिन अदमी मन के कीन लेई हीस।

(१०) यीशु मसीह कर लोहू से छुटकारा

१ पतरस १:१८-१९

काले कि तोहरे जानल कि तोहर तिकम्मा चाल-चलन जे बाप दादा परिया से चईल आवत रहे, उकर से तोहर छुटकारा चाँदी-सोना अर्थात् नाशमान चीज मन से नी होलक, मुदा निर्दोष आऊर निष्कलंक पठह अर्थात् - मसीह कर वहमूल्य लोहू कर द्वारा होलक ।

इब्रानियों ६:१४

तो मसीह कर लोहू ले आपन आपके सनातन आत्मा कर द्वारा परमेश्वर कर आगे निर्दोष कईर के चधालक, तोहर विवेक के मोरल काम मन से काले नी शुद्ध करी, जेकर से कि तोहरे जीयत परमेश्वर कर सेवा करबा ।

रोमियों ५:६

सेकर से जखन हमरे अब उकर लोहू कर द्वारा धरमी भेलक तो उकर द्वारा खीस से काले नी बाचोबै ?

इफिसियों १:७

हमरे के उकर में उकर लोहू कर द्वारा छुटकारा अर्थात् - पाप मन कर क्षमा उकर ऊ अनुग्रह कर धन कर अनुतार मिर्द्दिल हे ।

१ यूहन्ना १:७

मुदा जईसन ऊ ईंजोत में हय, उसनेहे हमरे हो जदि ईंजोत में डिंठब तो एक दूसर सयँ सहभागिता राखीला आऊर उकर बेटा यीशु कर लोहू हमरे के सोब पाप से सफा करेला ।

उद्धार प्रभु यीशु मसीह उपरे (११)
विश्वास लानेक से

इफिसियों २:८, ६

काले कि विश्वास कर द्वारा अनुग्रहे से तोहर उद्धार भेलक हय,
आऊर ई तोहर दने से ना लागे, मुदा, परमेश्वर कर दान हेके ।
आऊर न करम कर चड़े, अईसन निहीं कि केऊ धमण्ड कईर सकी ।

रोमियों ५:१

सेकर से जब हमरे विश्वास से धरमी भेली, तो आपन प्रभु
यीशु मसीह कर द्वारा परमेश्वर संगे सेल राखोव ।

गलतियों ५:६

आऊर मसीह यीशु में न खतनावाला, न बेगर खतनावाला
कोनो काम कर अहे, मुदा जे प्रेम कर द्वारा प्रभाव करेला से हे ।

१ यूहन्ना ५:४

काले कि जे केऊ परमेश्वर से जनईम हे, ऊ दुनिया उपरे जय
प्राप्त करेला आऊर ऊ विजय जेकर से दुनिया उपरे जय मिलेला
से हमर विश्वास हेके ।

यूहन्ना ६:२८-२९

ऊ मन उकर से कहलयेँ, परमेश्वर कर काम करेक लिगिन हमरे
का करब ? यीशु ऊ मन के कहलक; परमेश्वर कर काम ई हय
कि तोहरे उकर उपरे जेके उ भईज हे, विश्वास करा ।

यूहन्ना २०:३१

मुदा ई सोब इकर लिगिन लिखल जा हे कि तोहरे विश्वास करा
कि यीशु हे परमेश्वर कर बेटा मसीह हय, आऊर विश्वास कईर
के उकर नाम से जीवन पावा ।

भजन सहिता १०३ः११

जईसन आकाश भुईं उपरे तनल अहे, उसनेहे उकर करुणा
उकर भय राखेक वाला मन कर उपरे बनल रहेला ।

भजन सहिता १०३ः१७

मुदा यहोवा कर करुणा उकर भय राखेक वाला मन कर उपरे
जुग-जुग आऊर उकर धरम उकर नाती-पोता मन कर उपरे हो
परगट होवेला ।

विलाय गीत ३ः२२,२३

हमरे मिट नी गेली ई यहोवा कर बड़ करुणा कर फर हय,
काले कि उकर दया अमर अहे । रोज बिहनिया ऊ नवा होत
रहेला, तोर सत् बड़ हय ।

भजन सहिता १०५ः४

काले कि तोर करुणा आकाश से हो उपरे अहे, आऊर तोर
सत् आकाशमण्डल तक हय ।

तीतुस ३ः५

तो ऊ हमर उद्धार करलक; आऊर ई धरम कर काम चड़े
निहीं, जे हयरे खुद करली, मुदा आपन दया कर अनुसार नवा
जनम कर स्नान आऊर पवित्र आत्मा कर हमरे के नवा
वनायेक कर द्वारा भेलक ।

मीका ७ः१८

तोर लेखे अईसन परमेश्वर कहाँ हय, जे अधरम के क्षमा करी,
आऊर आपन निज भाग कर बचल मन कर पाप के ढाँईं प देवी ?
ऊ आपन खीस के सोब बेरा बनाय नी राखेला, काले कि ऊ
करुणा से प्रीति राखेला ।

परस्तेश्वर हृत्तरे के
आपन ठिन बुलायेला

(१३)

मती ११:२५

ए सोब परिश्रम करेक वाला मन आऊर बोझ से दबल अदमी
मन, मोर ठिन आवा; मोयँ तोहरे के विश्राम देमू ।

प्रकाशित वाक्य २२:१७

आऊर आत्मा आऊर कनिया दुईयो कहैन, आव, आऊर जे
पियासल अहे, ऊ आवोक आऊर जे केऊ चाहेल ऊ जीवन कर
पानी मुफुत में लेवोक ।

यूहन्ना ७:३७

तले परब कर आखिरी दिन, जे विशेष दिन रहे यीशु ठढालक
आऊर पुकराय के कहलक, अगुर केऊ पियासल अहे तो मोर ठिन
आय के पियोक ।

यशायाह ५५:१

ए सोब पियासल अदमी मन, पानी ठिन आवा, आऊर जे मन
ठिन रुपया नखे, तोहरे हो आय के किना आऊर खावा;
दाखरस आऊर दूध बेगर रुपया कर आऊर बेगर दाम कर आय
के लेई लेवा ।

यशायाह १:१८

यहोवा कहला, आवा हमरे आपस में गोठियाब, तोर पाप
चाहे लाल रग कर होई, तऊभी उ बरफ लेखे उजर होई, जई
आऊर चाहे अर्गवानी रग कर होई, तऊभी ऊ ऊन लेखे उजर
होई जई ।

(१४) सोब परमेश्वर कर सन्तान न लागयँ

इकरे से परमेश्वर कर सन्तान आऊर शैतान कर सन्तान चिन्हाल जायेंना; जे केऊ धरम कर काम नी करेल, ऊ परमेश्वर दने से ना लागे, आऊर उ हो निही, जे आपन भाई से प्रेम नी राखेला ।

—१ यूहन्ना ३:१०

इकर से कि जतना मन परमेश्वर कर आत्मा कर चलाल चलैना, ओहे मन परमेश्वर कर बेटा हेकयँ । काले कि तोहरे के धांगर मनक आत्मा नी मिईल हे कि डराबा, मुदा गोद लेवल बेठा कर आत्मा मिईल हे जेकर से हमरे ए अब्बा, ए बाप कईह के पुकराईला ।

—रोमियों ८:१४, १५

जेकर से कि तोहरे निर्दोव आऊर भोला बईन के टेढ़ आऊर हूठ करेक वाला अदमी मन कर बीच में परमेश्वर कर पवितर सन्तान बनल रहबा, जे मनक बीच में तोहरे जीवन कर वचन के के लेई के दुनिया में बरत दिया लेखे दिसल ।

—फिलिप्पियों १:१५

मुदा, जे मन उके ग्रहण करलयँ, ऊ मन के ऊ परमेश्वर कर सन्ताम होवेक कर अखित्यार देलक, अर्थात् ऊ मन के जे उकर नाम उपरे विश्वास राखेन ।

—यूहन्ना १:१२

सेकर से प्रभु कहेला कि उवकर बीच में से निकला आऊर अलग रहा; आऊर अशुद्ध चीज मन के न छुवा, तो मोयँ तोहरे के ग्रहण करमू, आऊर तोहर बाप होमू; आऊर तोहरे मोर बेटा आऊर बेटी मन होबा । ई सर्वशक्तिमान प्रभु परमेश्वर कर वचन हय ।

—२ कुरिन्थियों ६:१७, १८

दारु कर विषय परमेश्वर कर वचन (१५)

नीति वचन २३ : ३१, ३२

जखन दाखमधु ललका दिसेल, आऊर डुभनी में उकर सुन्दर रंग होवेल, आऊर जखन ऊ धार कर साथ ढालल जायेला, तखन उके न देखबे, काले कि ऊ अखिरी में साँप कर लेखे डँसेल, आऊर करैत लेखे काटेल ।

यशायाह ५ : ११

हाय ऊमन उपरे, जे बिहिनिया जलदी उईठ के दारु पीयेक शुरु करेन, आऊर ढेर राईत तक दाखमधु पीते रहेन जखन तक कि ऊ मन के गरमी नी चईध जायेला ।

गलतियों ५ : १६ - २१

गतर कर काम ती परगट अहे, अर्याति व्यभिचार, खराब काम, लुचपन, मूर्ति पूजा टोना, बैर, झगरा, ईर्ष्या क्रोध, विरोध फूट, विधरम, हिंसिगा, मतेक, भोग विलास, आऊर ईमन लेखे आऊर काम । ईमन कर बारे में मोंय तोहरे के आगे से कईह देवा थों, जईसन कि कईह भी चूईक हों कि अईसन अईसन काम करवईया मन परमेश्वर कर राईज कर वारिस नी होई सकबयँ ।

रोमियों १३ : १३, १४

जईसन दिन के सोभेल, उसने हे हमरे के सीधा चाल चलेक चाही, ना कि भोग विलास आऊर पियकड़पन में, ना व्यभिचार आऊर लुचपन में, आऊर ना झगरा करेक आऊर हिंसिगा में, मुदा, प्रभु यीशु मसीह के पींध लेवा आऊर गतर कर अमिलाष मन के पूरा करेक कर उपाय न करा ।

मती २२:३७-३८

ऊ उकर से कहलक, तोयँ परमेश्वर आपन प्रभु से आपन गोटा
मोन आऊर आपन गोटा जीव आऊर आपन गोठा बुईध केर साथ
प्रेम राख । बोड आऊर खास हुकुम तो एहे हेके ।

नीति वचन १६:२५

अईसन हो डहर अहे, जे अदमी के सोझ दिसेल, मुदा उकर
अंत में मरन हे मिलेला ।

मरकुस १०:१७-३२

आऊर जखन ऊ निकईल के डहर में जात रहे, नो एगो अदमी
उकर ठिन कूदते-कूदते आलक, आऊर उकर आगे धटना टेर्इक
के पुछलक, हे उत्तम गुरु, अनन्त जीवन पावेक लगिन मोयँ का
करमू ? यीशु उके कहलक, तोयँ मोके उत्तम का ले कहिस ? केऊ
उत्तम न लगे, केवल एके ज्ञन अर्थात् परमेश्वर । तोयँ हुकुम मन
के तो जानिस, हत्या न कर, व्यभिचार न कर, चीरी न कर, झूठा
गोवा न देव, छल न कर, आपन बाप आऊर आपन आयो कर
इज्जत कर । ऊ उकर से कहलक, हे गुरु, ई सोब के तो मोयँ छोट
हे से मानते आय हों । यीशु उके देर्इख के उकर से प्रेम करलक,
आऊर उकर से कहलक, तोर में एगो धटो हय, आव जे कुछ तोर
हय, उके बेर्इच के ग रीब मन के देर्इ दे, आऊर तीके सरग में धन
मिली, आऊर आय के मोर पीछे होई लेव । ई गोईठ के सुईन के
उकर चे हरा में उदासी छाय गेलक, आऊर ऊ दुखी होई के चईल
गेलक, काले कि ऊ इफराईन धनी रहे ।

याकूब १:२२

मुदा वचन कर अनुसार हिठेक वाला बना, आऊर केवल सुनेक वाला निही जे आपन आप के धोखा देवेना ।

१ कुरिन्थयों ६:६-१०

का तोहरे नी जानल कि अनीति करे वाला मन परमेश्वर कर राईज कर भागीदार नी होबयँ? धोखा न खावा, न वेश्यागामी, न मूर्त्तिपूजक, स परस्त्रीग मी, न लुच्चा, न पुरुषगामी, न चोर न लोभी न पियवकड़, न गईर देवेक वाला, न अंधेर करेक वाला मन परमेश्वर कर राईज कर भागीदार होबयँ ।

इफिसियों ५:६

केऊ तोहरे के सेथिया कर गोईठ मन से धोखा न देवोक; काले कि एहे सोब काम कर चड़े परमेश्वर कर खीस हुकुम नी मानेक वाला मन कर उपरे भड़केला ।

१ यूहन्ना ३:७, ८ अ

ए बालक मन केकरोहो केर भरमाल में न आवा, जे धरम कर काम करेला, वोहे उकर तईर धरमी अहे । जे केऊ पाप करेला, ऊ शौतान दने से हय, काले कि शौतान शुरुवे से पाप करत आय हे ।

गलतियों ६:३

काले कि जदि केऊ कोनो नी अहे, तेऊ आपन आप के कोनो समझेला, तो आपन आप के धाखा देवेला ।

(१८)

पाप से मृत्यु आवेला

लूका १५:३२

मुदा अब खुश आऊर मगन होवेक चाही, काले कि तोर ई
भाई मोईर जाय रहे, फिन जी जाय हे, हेराल जाय रहे, अब
मिईल जाय हे।

नीति वचन ११:१६

जे धरम में दृढ़ रहेला, से जीवन पायला, मुदा जे बुराई कर
पीछा करेला, से मृत्यु कर काऊर होई जायला।

रोमियों ५: १२

सेकर से जईसन एक गो अदमी कर द्वारा पाप ई दुनिया में
आलक, आऊर पाप कर द्वारा मृत्यु आलक, आऊर ई तईर से
मृत्यु सोब अदमी मन में पसईर गेलेक काले कि सोभे पाप करलँय।

याकूब १:१५

तले, अमिलाषा गरम धारण कईर के पाप के जनम देवेला
आऊर पाप जब बईढ़ जाएल तो मृत्यु के पैदा करेला।

रोमियों ८: ६

गतर उपरे मन लगायेक तो मृत्यु अहे, मुदा आत्मा उपरे
मन लगायेक जीवन आऊर शाँति अहे।

यहेजकेल १८: २०

जे प्राणी पाप करी सेहे मोरी, न तो बेटा बाप कर अधरम
कर भार उठाई आऊर न बेटा बाप कर; धरमी के आपने हे धरम
कर फर, आऊर दुष्ट के आपने हे दुष्टता कर फर मिली।

यीच्यु न्सीहू नरण के जीतलक (१६)

यूहन्ना ११:४३, ४४

ई कईहू के ऊ बड़ जोर से बोलालक कि ऐ लालर निकईल आव। जे मोईर जाय रहे, से कफन कापोड़ से हाथ गोड़ बंधले बंधल निकईल आलक। आऊर उकर मूह गमछा से डाबल रहे। यीशु ऊ मन के कहलक, उके खोईल के जायेक देवा।

प्रकाशित वाक्य १:१८

मोयँ मोईर जाय रहों, आऊर एखन देख, मोयँ जुगानजुग जीयत अहों; आऊर मृत्यु आऊर रसातल कर कुंजी मन मोरे ठिन अहे।

यूहन्ना १०:१७-१८

मोर से बाप इकरे से प्रेम राखेला कि मोयँ आपन जीव के देवाथों कि उके फिन लेई लेमू। केऊ उके मोर से नी लूटेल, मुदा मोयँ खुदे उके देवाथों। मोके उके देवेक कर हो अखितयार अहे आऊर उके फिर लेई धुरायेक कर हो अखितयार अहे; ई हुकुम मोके मोर बाप से मिईल हे।

लूका ७:१४, १५ अ

तले ऊ पासे आय के अर्थी के छुलक; आऊर उठायेक वाला मन रुईक गेलयँ। तले ऊ कहलक; ए जवान मोयँ तोर से कहाथों उईठ जाव। तले ऊ मुरदा उईठ के बोईठ गेलक, आऊर गोठियायेक लागलक।

व्यवस्था विवरण ५:७-११

मोके छोईड के दूसर मन के परमेश्वर कईर के न मानबे । तोयँ आपन लगिन कोनो मूर्ति खोईद के न बनाबे, न केकरोहो रूप बनाबे जे आकाश में चाहे भुई उपरे, चाहे भुईं कर पानी में अहे तोयँ ऊ मन के दण्डवत न करबे आऊर न ऊ मन कर पूजा करबे ... तोयँ आपन परमेश्वर यहोवा कर नाम सेधिया न लेबे, काले कि जे यहोवा कर नाम सेधिया लेवी, उके ऊ बेगर दोष कर नी गनी ।

तोयँ विश्राम दिन के माईन के पवित्र रखबे, जईसन तोर परमेश्वर यहोवा तोके हुकुम देई हे । छव दिन तो मिहनत कईर के आपन सोब काम करबे, मुदा सतवाँ दिन तोर परमेश्वर यहोवा लगिन विश्राम दिन हेके ।

आपन बाप आऊर माय कर माईन करबे, जईसन कि तोर परमेश्वर यहोवा तोके हुकुम देई हे ।

तोयँ हत्या न करबे । तोयँ व्यभिचार न करबे । तोयँ चोरी न करबे । तोयँ केकरोहो कर विरुध झूठ गोवाह न देबे । तोयँ न दूसर कर जनी कर लोभ करबे, न दूसर कर धर कर लोभ करबे । न उकर खेत कर, न उकर धाँगर कर, न उकर धाँगरिन कर, न उकर गोह चाहे गदहा कर, न उकर आउर कोनो चीज कर लोभ करबे ।

तोयँ परमेश्वर से लुईक नी सकिसला (२१)

नीति वचन १५:३

यहोवा कर आईख सोब ठिन लागल रहेला ।

लूका ८:१७

कोनो लुकल नखे, जे नी दिसी, आऊर कोनो छिपल नखे जे जानल नी जई आऊर परगट नी भेई ।

भजन सहिता १३६:८, १२

जदि मोयँ आकाश में चधमू तो उहाँ तोयँ अहिस । जदि मोयँ आपन डिसना रसातल में डिसामू तो उहाँ हो तोयँ अहिस । तेईयो अन्धार तोर से नो लुकायेक पारी, राईत तो दिन लेखे ईंजोत देवी, काले कि तोर लगिन अन्धार आऊर ईंजोत दुईयो एके तईर अहयँ ।

अथ्यूब्र ३४:२१-२२

काले कि ईश्वर कर आईख अदमी कर चाल-चलन उपरे लागल रहेला । आऊर ऊ उकर सोब चाल के देखते रहेला । अईसन अन्धार चाहे कुलकुल अन्धार कहों नखे, जेकर मैं अनीति करेक वाला मन छिप सकेना ।

यिर्मयाह २३:२४

आऊर यहोवा कर ई वाणी हय, का केऊअईसन छिपल जगह में लुईक सकेला कि उके मोयँ नी देईख सकमू ? का सरग आऊर पृथ्वी दुईयो मोर से भरल नखयँ ?

(२२) पापी चनक जुग - जुग कर सजई

२ पतरस ३:७

मुदा ई परिया कर आकाश आऊर पृथ्वी ओहे वचन कर द्वारा
ई लगिन राखल जाय हयँ कि बराल जाबयँ, आऊर ऊ भकतीहीन
अदमी मन कर विचार आऊर नाश होवेक कर दिन तक इसनेहे
राखल रहबयँ ।

भजन संहिता ६:१७

दुष्ट मन पाताल में धुईर जाबयँ, आऊर ऊ सोब जाईत मन
हो, जे परमेश्वर के भूलाय जायेना ।

मत्ती १३:४१-४२

अदमी कर बेटा आपन सरगदूत मन के भेजी, आऊर ऊ मन
उकर राईज में सोब ठेसायेक कर कारण मन के आऊर कुकरम
करेक वाला मन के ठुराबयँ, आऊर ऊ मन के अगिन कुण्ड में
डाईल देबयँ, ऊहां कान्देक आऊर दाँत चाबेक होई ।

मत्ती २५:४७

आऊर ई मन जुग-जुग लगिन कलपबयँ, मुदा धरमी मन जुग-
जुग कर जीवन में ढुकबयँ ।

मत्ती १८:८

अगर तोर हाय चाहे गोड़ तोके ठेसाई, तो उके काईट के फेंडेक
दे टुण्डा चाहे लंगड़ा भई के जीवन में ढूकेक तोर लगिन इकर से
बेस अहे कि दुई हाथ चाहे दुई गोड़ कर रहते, तोयँ जुग-जुग कर
अगिन कुण्ड में डालल जाबे ।

आऊर जईसन अदमी मन कर लगिन एक छोर मोरेक आऊर उकर पाढे महाविचार ठहराल जाय हे । — इब्रानियों ६:२७

काले कि ऊ एक दिन ठहराय हे, जेकर में ऊ, ऊ अदमी कर द्वारा धरम से दुनिया कर विचार करी, जेके ऊ ठहराय हे, आऊर उके मोरल मन से जियाय के ई गोईठ सोब कर उपरे प्रमाणित कईर देई हे । — प्रेरितों १७:३१

से लई हमरे सोब के एक - एक कईर के आपन आपन लेखा देवेक लागी । — रोमियों १४:१२

इकरे से प्रेम हमरे में सिद्ध भेलक कि महाविचार कर दिन मे हमरे के हियाव मिली, काले कि जईसन ऊ हय, ऊसनेहे दुनिया में हमरे हो अही । — १ यूहन्ना ४:१७

काले कि जरुरी अहे कि हमरे सोब कर हाल मसीह कर विचार आसन कर आगे खुईल जई, जेकर से कि प्रत्येक अदमी आपन बेस चाहे बेकार काम कर बदला, जे ऊ आपन गतर कर द्वारा कईर होई, पावी । — २ कुरिन्थियों ५:१०

तो प्रभु भगत मन के परीक्षा में से निकसायेक आऊर पापी मन के महाविचार कर दिन तक सजई कर दशा में राखेख हो जानेला । — २ पतरस २:६

रोमियों ५:१५

मुदा जईसन पाप कर दशा हय, उसन अनुग्रह कर वरदान कर निही, काले कि जखन एक अदमी कर पाप से ढेर्डेर सन अदमी मोरलय तो परमेश्वर कर अनुग्रह आऊर उकर जे दान एक अदमी कर अर्थात् यीशु मसीह कर अनुग्रह से भेलक, ढेर्डेर सन अदमी मन उपरे जरुड़ ढेर्डेर सन भेलक ।

२ कुरिन्थियों ६:१५

परमेश्वर के उकर ऊ दान लगिन, जे बयान से बाहर अहे, जोहार ।

१ पतरस ५:५ अ

काले कि परमेश्वर धमण्डी मन कर सामना करेल, मुदा दीन मन उपरे अनुग्रह करेला ।

२ कुरिन्थियों ८:६

तोहरे हमर प्रभु यीशु मसीह कर अनुग्रह के जानल कि ऊ धनी होईके हो तोहरे मन लगिन कगाल होई गेलक, जेकर से कि उकर कंगाल होवेक से तोहरे धनी होई जाबा ।

प्रेरितों ४:३३

आऊर प्रेरित मनबड़ सामर्थ से प्रमु यीशु कर जी उठेक कर गोवाह देते रहलय, आऊर ऊ मन उपरे बड़ अनुग्रह रहे ।

यहेजकेल १८:३१

आपन सोब पाप के, जे तोहरे कईर हा, दूर करा, आपन मन
आपन मन आऊर आपन आत्मा के बदईल देवा । हे इस्त्राएल
कर धराना तोहरे काले मोरबा ?

मत्ती ३:२

मन किरावा, काले कि सरग राईज नजीक आय जाय हे ।

२ कुरिन्थियों ७:१०

काले कि परमेश्वर भक्ति कर शोक अईसन पश्चाताप उत्पन्न
करेला, जेकर फर उद्धार अहे आउर उकर से फिर पछतायेक नी
पड़ेल, मुदा दुनिया कर दुःख मृत्यु के उत्पन्न करेला ।

प्रेरितों ३:१६

से लाई मन फिरावा, आऊर धुईर आवा, कि तोहर पाप
मिटाल जाई, जेकर से प्रभु कर उपस्थिति से शाँति कर दिन
आवी ।

प्रेरितों १७:३०

से लगिन परमेश्वर हमर अज्ञानता में करल काम मन के ध्यान
नी देई के, अब सोब ठिन सोब अदमी मन के मन फिरायेक कर
हुकुम देवेला ।

लूका १३:३

मोय तोहरे से कहोन कि निही, मुदा जदि तोहरे मन नी
किराबा तो तोहरे मन हो एहे तईर से नाश होबा ।

यशायाह ५५:७

दुष्ट आपन चाल-चलन आऊर अनर्थकारी आपन सोच
विचार के छोईड़ के यहोवा है दने फिरोक, ऊउकर उपरे दया
करी, ऊ हमर परमेश्वर दने फिरोक, आऊर ऊ उके पूरा तईर
से क्षमा करी ।

प्रेरितों ५:३१

उकेहे परमेश्वर प्रभु आऊर उद्धारक ठहरायके आपन भत-
खईया हाथ से सोब करं से ऊपरे उठालक कि ऊ इस्त्राईली मन
के मन फिरायेक कर शवित आऊर पाप मन कर क्षमा देवी ।

प्रकाशित वाक्य ३:२०

देख, मोयँ दुरा में ठढाय के टोकटोकाथों, जदि केऊ मोर शबद
के सुईन के दुरा खोली, होल मोयँ उकर ठिन भीतरे आय के
उकर साथे भोजन करमू आऊर ऊ मोर साथ ।

मत्ती ६:१४

से लगिन जदि तोहरे अदमी कर पाप के क्षमा करबा, होल
तोहर स्वर्गीय बाप हो तोहरे के क्षमा करी ।

यहेजकेल १८:२१

मुदा जदि दुष्ट अदमी आपन सोब पाप से फिईरकईर के मोर
सोब विधि - विधान कर पालन करी, तो ऊ नी मोरी, लेकिन
जीयत है रही ।

मरकुस २:५

यीशु ऊ मन कर विश्वास देईख के ऊ झोला कर मारल से
कहलक, ए बेटा, तोर पाप क्षमा भेलक ।

कुलुस्सियों ३:२

दुनिया कर निही, मुदा स्वर्गीय चीज मन ऊपरे ध्यान लगावा ।

तीतुस २:११, १२

काले कि परमेश्वर कर ऊ अनुग्रह परगट अहे, जे सोब अदमी मन कर उद्धार कर कारण अहे, आऊर हमरे के चितायेला कि हमरे अभक्ति आऊर दुनियादारी कर अभिलाषा से मन फिराय के ई दुनिया में संयम आऊर भक्ति कर साथ जीवन बिताव ।

यशायाह १:१६

आपन आप के धोई के पवित्र करा, मोर आँईख कर आगे से आपन खराब काम मन के दूर करा, आवेक वाला दिन में बुराई करेक छोईड़ देवा ।

१ यूहन्ना २:१५, १६

तोहरे ना तो दुनिया से आऊर ना दुनिया कर चीज मन से प्रेम करा; जदि केऊ दुनिया से प्रेम करेला तो उकर में बाप कर प्रेम नखे । काले कि जे कुछ दुनिया में हय, अर्थात - गतर कर अभिलाष. आँईख कर अभिलाष आऊर जीविका कर धमण्ड ई सोब बाप दने से ना लागे, मुदा दुनिया दने से हे अहे ।

इफिसियों ५:११

आऊर अधार कर निष्फल काम मन में भाग न लेवा, मुदा ऊ मन के दुरदुरावा ।

यहेजकेल ३६:२६

मोयँ तोहरे के नवा मोन देमू, आऊर तोहर भीतरे नवा आत्मा सिरजमू, आऊर तोहर गतर में से पखना कर हृदय के निकसाय के माँस कर हृदय देमू ।

यूहन्ना ३:३

यीशु उके कहलक, कि मोयँ तोर से सत-सत कहाथों कि जदि केऊ नवा - जनम नी पाबी तो परमेश्वर कर राईज देईख नी सकेला ।

२ कुरिन्थियों ५:१७

से लगिन जदि केऊ मसीह में अहे तो ऊ नवा सृष्टि हेके: पुरना गोईठ मन बीत गेलक, देखा ऊ सोब नवा होई जाय हे ।

१ यूहन्ना २:२६

जदि तोहरे जानल कि ऊ धरमी अहे, तो ई हो जानल कि जे केऊ धरम कर काम करेला, ऊ उकर से जनईम हे ।

१ पतरस १:२३

काले कि तोहरे नाश होवेक वाला निहीं मुदा नी नाश होवेक वाला बीजा से, जे परमेश्वर कर जीयत आऊर जुग - जुग ठहरेक वाला वचन हेके, नवा जनम पाय हा ।

१ यूहन्ना ५:१८

हमरे जानिल कि जे केऊ परमेश्वर से जनईम हे, से पाप नी करेला, मुदा जे परमेश्वर से जनईम हे, उके ऊ बचाय के राखेला आऊर ऊ दुष्ट उके छुवेक नी पारेला ।

पाप लगिन मोईर के
मसीह स्में जी उठेक

(२६)

इफिसियों २:१, ६

आऊर ऊ तोहरे के हो जियालक, जे आपन पाप आऊर बुराई
में मोरल रहा । … आऊर मसीह यीशु में उकर साथ उठालक
आऊर सरग राईज में उकर साथ बैठालक ।

कुलुस्सियों ३:१

से लगिन तोहरे मसीह कर साथ जियावल गेला तो स्वर्गीय
चीज मन कर खोज में रहा, जेहाँ मसीह विराजमान अहे, आऊर
परमेश्वर कर भतखईया हाथ दने बईठल अहे ।

१ पतरस २:२४

ऊ खद हमरे कर पाप के आपन गतर में लेई कईर के कूस में
चईध गेलक, जेकर से हमरे पाप लगिन मोईर के धरम लगिन
जीवन बिताब, उकरेहे माऊर खायेक से तोहरे बेस होला ।

रोमियों ६:२, ११

एकदम निहीं, हमरे जब पाप लगिन मोईर गेली तो फिन आगे
उकर में काले जीवन बिताब ? इसनेहे तोहरे भी आपन के पाप
लगिन तो मोरल, मुदा परमेश्वर लगिन मसीह यीशु में जीयत
समझा ।

यूहन्ना ३ः१४, १५

आऊर जईसन मूसा जंगल में साँप के उपरे चधालक, उसनेहे जरुरी आहे कि अदमी कर बेटा हो उपरे चधाल जई, जे कि जे केऊ विश्वास करि, उकर में अनन्त जीवन पाई ।

रोमियों ६ः२३

काले कि पाप कर सजई तो मरन हेके, मगुर परमेश्वर कर वरदाम हमर प्रभु मसीह यीशु में अनन्त जीवन हेके ।

यूहन्ना १७ः३

आऊर अनन्त जीवन ई हेके, कि ऊ मन तोके जे एके ठो सत परमेश्वर हेकीस, आऊर यीशु मसीह के, जेके तोयँ भेईज हीस, जानबयँ ।

यूहन्ना ३ः३६

जे बेटा उपरे विश्वास करेला, अनन्त जीवन उकर हेके; मगुर जे बेटा कर गोईठ के नी मानेल, ऊ जीवन के नी देखी, मुदा परमेश्वर कर खीस उकर उपरे रहेला ।

गलतियों ६ः५

काले कि जे आपन गतर लगिन बुना। बुनेल से गतर कर द्वारा विनाश कर कटनी काटी; आऊर जे आत्मा लगिन बुना बुनेल से आत्मा कर द्वारा अनन्त जीवन कर कटनी काटी ।

यूहन्ना ५ः२४

मोयँ तोहरे से सत-सत कहोना, जे मोर वचन के सुईन के मोके भेजेक वाला उपरे विश्वास करेला, अनन्त जोवन उकर अहे, आऊर उकर उपरे सजई कर हुकुम नो होवेला, मुदा ऊ मरन के लाईध के जीवन में दूईक चुईक हे ।

आऊर धरम कर फर शान्ति आऊर उकर अंत हमेशा कर
चैन आऊर निश्चित रहेक होई । — यशायाह ३२:१७

आत्मा खुदे हमर आत्मा सथे गोवाह देवेला कि हमरे परमेश्वर
कर बेटा-बेटी हेकी । — रोमियों ८:१६

हे छऊवा मन, हमरे बोली आऊर वचन से हे निही, मुदा
काम आऊर उदम से भी सत मन से प्रेम करब । ईकरे से हमरे
जानब कि हमरे सत कर हेकी, आऊर जे गोईठ में हमरे आपन
के दोषी पाईला, उकर में हमरे उकर आगे आपन आपन मन
के शान्ति देई सकब । — १ यूहन्ना ३:१८, १९

इकरे से हमरे जानिल कि हमरे उकर में बनल रहिला
आऊर ऊ हमरे में, काले कि ऊ आपन आत्मा मे से हमरे
के देई हे । — १ यूहन्ना ४:१३

जेकर ठिन मोर आज्ञा हय । आऊर ऊ ऊमन के मानेला, वो हे
मोर से प्रेम राखेला, आऊर जे मोर से प्रेम राखेला, उकर से
मोर बाप हो प्रेम राखी, आऊर मोय॑ उकर से प्रेम राखमू,
आऊर आपन आपके उकर उपरे परगट करमू ।

— यूहन्ना १४:२१

आऊर तोहरे, जे बेटा - बेटी हेका, इकरे से परमेश्वर
आपन बेटा कर आत्मा, जे ए - अब्बा, ए बा कईह के पुकरायला
हमर हदय में भईज देई हे । — गलतियों ४:६

(३२) परमेश्वर हृस्तरे कर भीन्हरे रईह के
हृस्तरे के खुशी देवेला

यूहन्ना १७:१३

मुदा अब मोयँ तोर ठिन आवा थों, आऊर ई गोईठ मन के
दुनिया में कहाथों जे कि ऊ मन मोर खुशी आपन में पूरा पाबयँ ।

रोमियों १४:१७

काले कि परमेश्वर कर राईज खायेक - पियेक न लागे, मुदा
धरम आऊर मिलाप आऊर ऊ आनन्द हेके जे पवित्र आत्मा से
होवेला ।

गलतियों २:२०

मोयँ मसीह कर साथ कस में चधाल जा हों, आऊर अब मोयँ
जियत नखों, मुदा मसीह मोर में जियत अहे, आऊर मोयँ गतर
में अब जे जियत अहों तो केवल ऊ विश्वास से जीयत अहों, जे
परमेश्वर कर बेटा उपरे अहे, जे मोके प्रेम करलक आऊर मोर
लगिन आपन आप के दई देलक ।

भजन संहिता १६:१०

तोयँ मोके जीवन कर डहर दिखाबे; तोर ठिन आनन्द कर
भरपूरी अहे, तोर भतखईया हाथ में सुव सोब समय बनल रहेला ।

यशायाह १२:३

तोहरे खुशी कर साथ उद्धार कर तोता मन से पानी भरबा ।

यूहन्ना १५:११

मोयँ ई गोईठ मन के तोहरे से ई लगिन कहलों कि मोर आनन्द
तोहरे में बनल रही आऊर तोहर आनन्द पूरा भई जई ।

प्रस्तु कर हुकुम्म स्नानेक जरूरी अहे (३३)

१ शमुएल १२:१५

मुदा तोहरे अगुर यहोवा कर गोईठ के नी मानबा, आऊर यहोवा कर हुकुम के भुलाय के उकर से फिईर जाबा, तो यहोवा कर हाथ जईसन तोहर पुरखा मन कर विरोध में उठलक, उसनेहे तोहर विरोध में हो उठो ।

रोमियों ६:१६

का तोहरे नी जानल कि जेकर गोईठ मानेक लगिन तोहरे आपन आप के धांगर लेखे सोंडप देवाला, उकरेहे धांगर हेका । आऊर जेकर मानल चाहे पाप कर जेकर अन्त मरण हय, चाहे आज्ञा मानेक कर जेकर अन्त धरमी ठहरेक हय ।

२ थिस्लुनीकियों १:७-६

आऊर तोहर मन के, जे दुःख भोगाला हमरे कर साथ चैन देवी, ऊ समय जखन प्रभु यीशु आपन सामर्थी दूत मन कर साथ धधकतक आईंग में सरग से परगट मेर्ई । आऊर जे मन परमेश्वर के नी चिन्हेन, आऊर हमरे कर प्रभ यीशु कर सुसमाचार के नी मानेन ऊ मन से पलटा लेवी । ऊ मन प्रभु कर आगे से आऊर उकर शक्ति कर तेज से दूर होई के अनन्त विनाश कर दण्ड पाबयँ ।

व्यवस्था विवरण ११:२६-२८ अ

सुता, मोय आईज कर दिन तोहरे आगे आशीष आऊर सराप दुईयो राईख देवाथों । अर्थात् यदि तोहरे आपन परमेश्वर यहोवा कर ई हुकुम मन के, जे मोय आईज तोहरे मन के सुताथों, मानबा, तो तोहरे आशीष पाबा, आऊर यदि तोहरे आपन परमेश्वर कर हुकुम मन के नी मानबा, तो तोहरे सरपाय होबा ।

(३४) यीशु मसीह के माईन लेवेक जरूरी अहे

फिलिप्पियों २:११

आऊर परमेश्वर बाप कर महिमा लगिन सोब केऊ के आपन जीम से माईन लेवक चाही कि यीशु मसीह प्रभु हेके ।

मती १०:३२, ३३

जे केऊ अदमी मन कर आगे मोके माईन लेवी, उके मोहरों आपन स्वर्गीय बाप कर आगे माईन लेमू । मगुर जे केऊ अदमी मन कर आगे मोर इन्कार करी, उके मोहों आपन स्वर्गीय बाप कर आगे इन्कार करमू ।

रोमियों १०:६, १०

कि जदि तोयँ आपन मू से यीशु के प्रभु जाईन के माईन लेबे आऊर आपन मन से विश्वास करबे कि परमेश्वर उके मोरल मन से जियालक, तो तोयँ निश्चय उद्धार पाबे । काले कि धरमी ठहरेक लगिन मन से विश्वास करल जायला आऊर उद्धार पावेक लगिन मू से माईन लेवल जायला ।

१ यूहन्ना २:२३

जे केऊ बेटा कर इन्कार करेला, उकर ठिन बाप हो नस्ने । जे बेटा के माईन लेवेला, उकर ठिन बाप हो अहे ।

लूका ६:२६

जे केऊ मोर से आऊर मोर गोईठ मन से लजाई; अदमी कर बेटा हो जखन आपन आऊर आपन बाप कर, आऊर पवित्र सरगदूत मन कर महिमा सये आवी, तो उकर से लजाई ।

मती ४:१, १०, ११

उकर बाद ऊ समय आत्मा यीशु के जंगल में लेई गेलक जेकर से कि इबलीस से उकर परीक्षा होक । तले यीशु उकर से कहलक, हे शैतान दूर होई जाव, काले कि लिखल हय कि तोयँ प्रम आपन परमेश्वर के हे गोड़ लाग, आऊर केवल उकरेहे पूजा करबे । तले शैतान उकर ठिन से चईल गेलक; आऊर देखा सरगदूत मन आय कईर के उकर सेवा करेक लागलयँ ।

२ थिस्सलुनीकियों २:६

ऊ अधरमी कर आवेक शैतान कर काम कर अनुसार सोब रकम कर झूठा शक्ति आऊर विनहा आऊर अङ्गुत काम कर साथ होवी ।

प्रेरितों २६:१८

कि तोयँ उनकर आँईख खोलबे जेकर से कि ऊ मन अंधार से ईंजोत बटे आऊर शैतान कर अखितयार से परमेश्वर दने धुरबयँ जेकर से पाप कर क्षमा, आऊर ऊ अदमीं मन कर संग, जे मोर उपरे विश्वास करल से पवित्र करल जा हयँ भाग पाबयँ ।

१ पतरस ५:८

सावधान रहा आऊर जागते रहा, काले कि तोहर विरोधी शैतान गजक वाला बाध तईर ई खोज में रहेला कि केके फाईड़ खाई ।

इफिसियों ६:११

परमेश्वर कर सोब हथियार बाँईध लेवा, जेकर से कि तोहरे शैतान कर सोब युक्ति कर आगे ठढ़ायेक सकबा ।

२ धिस्सलुनीकियों २:८

तले ऊ अधरमी परगट भेई, जेके प्रभ यीशु आपम मू कर
फुँइक से माईर डाली आऊर आपन आगमन कर तेज से भसम
करी ।

याकूब ४:७, ८

सेकर से परमेश्वर कर अधीन होई जाबा; आऊर शैतान कर
मुकाबला करा, तो ऊ तोहर ठिन से माईग निकसी । परमेश्वर
कर नजीक आवा तो ऊ भी तोहर नजीक आवी ।

१ यूहन्ना ३:८

जे केऊ पाप करेला, से शैतान दने से हय, काले कि शैतान शुरु
हे से पाप करते आय हे, परमेश्वर कर बेटा ई लगिन परगट
भैलक कि शैतान कर काम मन के नाश करी ।

रोमियों ८:३५ आऊर ३७

के हमरे के मसीह कर प्रेम से जुदा करी ? का व्लेश, सकट,
का उपद्रव, का अकाल, का नंगाई, का जोविम, का तलवार ? ..
मुदा ई सोब गोईठ में हमरे उकर द्वारा जे हमरे से प्रेम करलक,
जयवन्त से हो बईढ़ के अही ।

इब्रानियों २ : १४

इकर से जखन बेटा मन गोश और लोहू कर भागीदार अहँय
तो ऊ खुद हो ऊ मनक संगे भागीदार होई गेलक; जेकर से
मनक कर द्वारा, उके जेके मरन उपरे शक्ति मिईल रहे, अर्थात्-
शैतान के बेकमवा कईर देई ।

१ यूहन्ना ४:२०

जदि केऊ कही, कि मोयँ परमेश्वर से प्रेम राखोना आऊर आपन भाई से बैर राखी, तो ऊ झठा अहे: काले कि जे आपन भाई के, जेके ऊ देईख हे, प्रेम नी राखेला ; तो ऊ परमेश्वर के हो, जेके ऊ नी देईख हे, प्रेम नी रईख सकेला ।

गलतियों ५:२२, २३ अ

मुदा आत्मा कर फर प्रेम, आनन्द, मेल धीरज कृपा, भलाई विश्वास, नम्रता आऊर संयम हेके ।

यूहन्ना १३:३५

जदि तोहरे एक दूसर से प्रेम रखबा, तो इकरेहे से सोब जान-बयँ कि तोहरे मोर चेला मन हेका ।

यूहन्ना २१:१६

तले ऊ दूसर धाँव उकर से कहलक, हे शिमौन यूहन्ना कर बेटा, का तोयँ मोके प्रेम करिसला ? ऊ उकर से कहलक - हाँ गोमके, तोयँ जानिसला कि मोयँ तोके प्रेम करोनाः ऊ उके कहलक, मोर भेड़ी मन कर रखवाली कर ।

१ कुरिन्थियों १३:१

जदि मोयँ अदमी मन कर आऊर सरगदूत मन कर बोली बोलमू आऊर प्रेम नी राखमू, तो मोयँ ठन - ठन करेक वाला पीतल आऊर झन-झन करेक वाला झांझ हेकों ।

१ यूहन्ना ३:१४

हमरे जानिल, कि हमरे मरन से पार होईके जीवन में पहुँईच ही; काले कि हमर माई मन से प्रेम राखिला । जे प्रेम नी राखेल, ऊ मरन कर दशा में रहेला ।

(३८) न्नसीहु कर जी उठेक

प्रेरितों २०:३६-४१

आउर हमरे ऊ सोब काम मन कर गोवाह हेकी, जे ऊ यहूदिया कर देश आऊर यरुशलेम में हो करलक, आऊर ऊ मन उके काठ कर उपरे लटकाय के मोराय देलयँ । उके परमेश्वर तीसर दिन में जियालक, आऊर परगट भी कईर देलक । सोब अदमी के निही, मुदा ऊ गोवाह मन के, जे मन के परमेश्वर आगे हे ले चुईन लैई रहे, अर्थात्- हमरे के, जे मन कि उकर सीरल मन से जी उठेक कर पाछ्ये उकर सथे खाली-पीली ।

रोमियों ४:२५

ऊ हमर अपराध लगिन धराल गेलक, आऊर हमर धरमी ठहरेक लगिन लियाल भी गेलक ।

यूहन्ना २०:२६-२८

आठ दिन बाद उकर चेला मन फिर धर भीतरे रहयँ, आऊर थोमा ऊ मन कर साथे रहे, आऊर दुरा ढाँपल रहे । तले, यीशु आलक आऊर बीच में ठढाय के कहलक, तोहरे मन के शाँति मिलोक । तले ऊ थोमा से कहलक, आपन ऊंगरी इहाँ लाईन के मोर हाथ मन के देख, आऊर आपन हाथ लाईन के मोर पांजर में धुसाव, आऊर अविश्वासी निहीं मुदा विश्वासी होव । ई सुईन के थोमा उत्तर देलक, ए मोर गोमके, ए मोर परमेश्वर !

मरकुस १६:६

हफ्ता कर पहला दिन में, विहान होवत-होवत, ऊ जी उईठ के सोवले आगे मरियम मादलीनी के, जेकर से ऊ सात गो दुष्ट-आत्मा के निकसाय रहे, दिसलक ।

जी उठेक-हन्तर न्हिन्ना से भरल आशा (३६)

रोमियों ६:३-५

का तोहरे नो जानल कि हमरे जतना मन मसीह यीशु कर बपतिस्मा लेली तो उकर मरन कर बपतिस्मा लेली? सेकर से ऊ मरन कर बपतिस्मा पाल से हमरे उकर साथ गाड़ल गेली, जेकर से कि जईसन मसीह बाप कर महिमा से मोरल मन से जियाल गेलक, उसनेहे हमरे हो नवा जीवन पाय ही से लेखे जीवन बिताब। काले कि जदि हमरे उकर मरन कर बराबईर में उकर संगे जुईट जाय ही, तो जरूर उकर जी उठेक कर बराबईर में हो जुईट जाब।

मती १६:२१

ऊ समय ले यीशु आपन चेला मन के बतायेक लागलक, कि मोके जरुरी हय कि यरुशलेम के जामू, आऊर पुरनिया मन, महायाजक मन आऊर शास्त्रीमन कर हाथ से ढेर दुःख उठामू; आऊर मोराल जामू आऊर तीसर दिन में जी उठमू।

यूहन्ना ५:२५, २८, २९

मोयँ तोहर से सत सत कहाथों, ऊ समय आवो थे, आऊर एखन आहे जेकर में मोरल मन परमेश्वर कर बेटा कर शबद सुनबयँ, आऊर जे मन सुनबयँ ऊ मन जीबयँ इकर से अचम्भा न करा, काले कि ऊ समय आवो थे, कि जतना मन कबर में अहयँ, उकर शबद सुईन के निकसबयँ; जे मन भलाई कईर हयँ, से मन जीवन लगिन जी उठबयँ, आऊर जे मन बुराई कईर हयँ, से मन सजई लगिन जी उठबयँ।

(४०) प्रस्तु लगिन पवित्र होवेक

लूका १:७४-७५

कि ऊ हमरे के ई देवी, कि हमरे आपन बैरी मन कर हाथ से छुईट कईर के उकर आगे पवित्रता आऊर धार्मिकता कर साथ जीवन भईर निडर रईह के उकर सेवा करत रहब ।

२ कुरिन्थयों ७:१

से लगिन, हे प्यारा मन जब कि ई प्रतिज्ञा मन हमरे के मिईल हे, तो आवा, हमरे आपन आपके गतर आऊर आत्मा कर सोब मलिनता से शुद्ध करब आऊर परमेश्वर कर डर राईव के पवित्र होवब ।

२ तोमुयियुस २:२१

यदि केऊ आपन आपके ई मन से शुद्ध करि तो ऊ आदर कर बरतन आऊर पवित्र ठहरी, आऊर मालिक कर काम आवी, आऊर सोब बेस काम लगिन तेयार रही ।

१ पतरस १:२

आऊर परमेश्वर बाप कर भविष्य ज्ञान अनुसार आत्मा कर पवित्र करेक कर द्वारा ,आज्ञा मानेक आऊर यीशु मसीह कर लोह कर छिड़कल जायेक लगिन चुनल जाय ही ।

१ पतरस १:१५

मुदा जईसन तोहर बुलायेक वाला पवित्र हय, उसने हे तोहरे हो आपन सोब चाल - चलन में पवित्र होवा ।

यशायाह ३५:८

आऊर उहाँ एगो डहर अर्थात् राजमार्ग होवी, उकर नाम पवित्र मार्ग होवी, केऊ अशुद्ध अदमी उकर उपरे से हिठेक नी पारी, ऊ तो वोहे मन लगिन रही, आऊर ऊ डहर में जे मन हिठबयँ, ऊमन चाहे बोका हो रहबयँ, सेकरोमें कभी नी भटकबयँ ।

१ यूहन्ना १:६

जदि हमरे आपन पाप के माईन लेवब, तो ऊ हमरे कर पाप के क्षमा करेक आऊर हमरे के सोब अधरम से शुद्ध करेक में विश्वास-जोग आऊर धरमी हेके ।

मती ३:११

मोयँ तो पानी से तोहरे मन के मन फिराव कर बपतिस्मा देवा थों, मुदा जे मोर पाछे आवेक वाला अहे, ऊ मोर से शक्तिशाली अहे, मोयँ उकर जता उठायेक कर लायक नखों, ऊ तोहरे मन के पवित्र आत्मा आऊर आईग से बपतिस्मा देवी ।

इफिसियों १:४

जईसन ऊ हमरे के दुनिया कर उत्पति से आगे हे ले उकर में चुईन लेलक, कि हमरे उकर ठिन प्रेम में पवित्र आऊर निरदोप होवब ।

इब्रानियों ३:१२

एहे लगिन यीशु हो अदमी मन के आपन हे लोह से पवित्र करेक लगिन फाटक कर बाहरे दुःख उठालक ।

प्रेरितों १३:५२

आऊर चेला मन आनन्द आऊर पवित्र आत्मा से भरते रहलयँ ।

रोमियों ८:६

मगुर जखन परमेश्वर कर आत्मा तोहर में रहेला तो तोहरे शारीरिक दशा में नखा, मुदा आत्मिक दशा में अहा । यदि केकरो-हो में मसीह कर आत्मा नखे, तो ऊ उकर जन ना लगे ।

लूका ११:१३

सेकर से जखन तोहरे मन खराब होई के आपन छऊवा मन के बेस-बेस चीज मन देवेक जानल, तो स्वर्गीय बाप आपन मांगेक वाला मन के पवित्र आत्मा काले नी देवी ।

यहेजकेल ३६:२७

आऊर मोयँ आपन आत्मा तोहर मीतरे देईके अईसन करमू कि तोहरे मोर विधि उपरे चलबा आऊर मोर नियम मन के माईन के उकर अनुसार करबा ।

प्रेरितों १:८ अ

मगुर जखन पवित्र आत्मा तोहर उपरे आवी, तो तोहरे बल पाबा आऊर मोर गोवाह होबा ।

प्रेरितों ४:३१

जखन ऊ मन बिनती कईर चुकलयँ, तो ऊ जगह जेहाँ ऊ मन जमा होई रहयँ हिईल गेलक, आऊर ऊ मन सोब पवित्र आत्मा से भईर गेलयँ आऊर परमेश्वर कर वचन हियाव से सुनाते रहलयँ ।

नसीही नन लगिन महान प्रतिष्ठा (४३)

यहोवा टूटल मन वाला मन कर नजीक रहेल, आऊर
पिसल मन वाला मन कर उद्धार करेला ।

— भजन संहिता ३४:१८

यहोवा कर ई वाणी हय, ई सोब चीज मोरे हाथ से
बनाल जाहे से लगिन ई सोब मोरे हेके । मगुर मोयै उकरे
ऊपर ध्यान करमू जे दीन आऊर दुःखी मन कर हय, आऊर
मोर वचन सुईन के थरथरायेला । — यशायाह ६६:२

आऊर उ उनकर आईख से सोब लोरपानी पोईछ देवी,
आऊर इकर पाछे मरन नी होवी, आऊर न शोक, न
विलाप, न पीड़ा रही; आगे कर सोब गोईठ जात रही ।

— प्रकाशित वाक्य २१:४

हे प्रिय मन, जे दुःख कर आईग तोहरे के परखेक लगिन
तोहरे में भड़ईक हे, इकर से ई समईझ के अचम्भा न
करा कि कोनो अनोखा बात तोहरे ऊपरे गुजरथे मगुर
जईसर-जईसन मसीह कर दुःख में सहमागी होवाला, आनन्द
करा, जेकर से उकर महिमा कर परगट होवेक बेरा हो
तोहरे आनन्दित आऊर मगन होई सकबा ।

— १ पतरस ४:१२, १३

यहोवा उपरे भरोसा राखबे आऊर भला करबै; देश में
बसल रहवे आऊर सत उपरे मन के लगाय रहबे ।

— भजन संहिता ३६:३

(४४) परीक्षा चें पड़ल सन लगिन प्रतिज्ञा

इब्रानियों २:१८

काले कि ऊ जखन परीक्षा कर बेरा में दुःख उठालक, तो ऊ उनकर ही मदईत कईर सकेला जे मनकर परीक्षा होवेला ।

रोमियों १६:२०

शान्ति कर परमेश्वर शैतान के तोहर गोड़ से जलदी कुचलवाय देवी ।

भजन संहिता ३४:१६

धरमी कर उपरे ढेर सन आफईत तो आवेला, मुदा यहोवा उके ऊ सोब से छोड़ायला ।

यशायाहू ४३:२

जखन तोयँ पानी में होई के जाबे, मोयँ तोर संगे-संगे रहमू आऊर जखन तोयँ नदी मन में होईके हिठबे, तखन ऊ मन तोके डूबाय नी सकवयँ ; जखन नोयँ आईग में हिठबे तखन तोके आंच नी लागी आऊर उकर ली तोके बराय नी सकी ।

रोमियों ८:२८

आऊर हमरे जानिल, कि जे मन परमेश्वर से प्रेम राखेन, ऊ मन लई सोब गोईठ मिईल के भलाई हे के उत्पन्न करेला, अर्थात ओहे मन लई जे उकर इच्छा लेखे बुलावल जाय हयँ ।

१ कुरिन्थियों १०:१३

तोहरे कोनो अईसन परीक्षा में नी पईड़ हा, जे अदमी कर सहेक से बाहर अहे । आऊर परमेश्वर सच्चा अहे, ऊ तोहरे के शक्ति से बाहर परीक्षा में पड़क नी देवी, मुदा, परीक्षा कर साथ निकास भी करी, कि तोहरे सईह सकबा ।

जीतेक वाला सन लग्नि प्रतिज्ञा (४५)

प्रकाशित वाक्य ३:५

जे जीती, ऊके एहे लेखे, सफेद लुगा पिंधाल जाई, आऊर मोयं उकर नाम जीवन कर किताब में से कोनो लेखे नी काटमू, मुदा उकर नाम आपन बाप आऊर उकर स्वर्गदूत मनकर आगे माईन लेमू ।

प्रकाशित वाक्य ३:१२

जे जीती, उके मोयं आपन परमेश्वर कर मन्दिर में एक गोखंभा बनामू आऊर ऊ फिन कभीयो बाहरे नी निकसी; आऊर मोयं आपन परमेश्वर कर नाम, आऊर आपन परमेश्वर कर नगर, अर्थात्- नवायरुशलेम कर नाम, जे मोर परमेश्वर ठिन ले सरग से उतरेक वाला हय, आऊर आपन नवा नाम उकर उपरे लिखमू ।

प्रकाशित वाक्य २१:७

जे जीती, ओहे ई सोब चीज मन कर वारिस होवी आऊर मोयं उकर परमेश्वर होमू, आऊर ऊ मोर बेटा होवी ।

प्रकाशित वाक्य २:७

जेकर कान अहे, से सुईन लेवोक, आत्मा कलीसिया मन से का कहेला; जे जीती, उके मोयं जीवन कर गाछ में से, जे परमेश्वर कर सरग राईज में हय, फर खायेक लई देमू ।

प्रकाशित वाक्य ३:२१

जे जीती, मोयं उके आपन संग आपन सिहासन उपरे बईठामू जईसन मोहों जीत कईर के आपन बाप कर साथे उकर सिहासन, उपरे बईठ गेलों ।

(४६) परम्नेश्वर हमरे के तलाक
कर बारे में बताएँ

मती ५:३२

मगुर मोयं तोहर से ई कहोन कि जे केऊ आपन धरनी, व्यभिचार के छोईड के आऊर दूसर कोनो कारण से छोईड देवेला, तो ऊ उकर सें व्यभिचार करवायेला; आऊर जे केऊ ऊ छोइल जनी से बिहा करेल, ऊ हो व्यभिचार करेला ।

लूका १६:१८

जे के ऊ आपन जनी के छोईड के दोसरा से बिहा करेला, ऊ व्यभिचार करेला, आऊर जे के ऊ अइसन छोइल जनी से बिहा करेला से हो व्यभिचार करेला ।

रोमियो ७:२, ३

काले कि बिहा करल स्त्री व्यवस्था कर अनुसार आपन पति कर जीयत भईर उकरे से बाँधल हय मगुर यदि पति मोईर जई, तो ऊ आपन पति कर व्यव था से छुईट गेलक । से लगिन जदि पति कर जीयत रहले में ऊ कोनो दूसर मरद केर होई जई, तो व्यभिचारिन कहाई, मुदा जदि पति मोईर जई तो ऊ, उकर व्यवस्था से छुईट गेलक, इहाँ तक कि यदि कोनो दूसर मरद कर होई जई, तेर्झो व्यभिचारिन नी ठहरी ।

१ कुरिन्थयों ७:१० ; ११

जे मनक बिहा होई जा हे, ऊमनके मोयं निही, मुदा प्रभू हुकुम देदेला कि धरनी आपन आदमी से जुदा नी होवी । आऊर यदि जुदा भी होवी तो बेगर दूसर बिहा करल कर रही; चाहे आपन अदमी से फिर मेल कईर लेवी । आऊर ना अदमी के आपन धरनी के छोड़ेक चाही ।

काले कि जईसन बिजुरी पूरव से निकईस के पच्छम तक
चमकते जाएला, उसनेहे अदमी कर बेटा कर हो आवेक होई ।

—मत्ती २४ः२७

मोय जल्दी आवेक वाला अहों, जे कुछ तोर टिन आहे, उके
थाईम्भ राख कि केऊ तोर मुकुट के लूटेक नी पारी ।

—प्रकाशित वाक्य ३ः११

तीहरे हो धीरज धरा आऊर आपन हृदय के दिढावा,
काले कि प्रभु कर आवेक जल्दी होई । —याकूब ५ः८

तले अदमी कर बेटा कर चिनहा आकाश में दिसी आऊर
उकर बाद दुमिया कर सोब कुल कर अदमी मन छाती पीट-
बयँ, आऊर अदमी कर बेटा के बड़सामर्थ आऊर महिमा
कर साथ आकाश कर वदरी उपरे आवत देखबयँ ।

—मत्ती २४ः३०

आऊर जदि मोय जाय के तोहरे मन लगिन ठाँव तेयारी
करमू तो उकर बाद फिन आय के तोहरे के आपन इहाँ लेई
जामू, कि जेहाँ मोय रहमू उहाँ तोहरे हो रहवा ।

—यूहन्ता १४ः३

जे केऊ ई वयभिचारी आऊर पापी जाईत कर बीच मोर से
आऊर मोर गोईठ मन से लजाई, अदमी कर बेटा हो जखन
ऊपवितर दूत मन कर साभे आपन वाप कर महिमा में
आवी तो उकरोहो से लजाई । —मरकुस ८ः३८

(४८) प्रभु यीशु न्सीह कर दूसर आगमन

लूका २१:२७

तले ऊ मन आदमी कर बेटा के बड़ सामर्थ आऊर बड़ महिमा कर साथ बदरी उपरे आवत देखबयँ ।

लूका १२:४०

तोहरे हो तेयार रहा, कालेकि जे धड़ी तोहरे सोईच हो नी सकल, वोहे धड़ी अदमी कर बेटा आय जावी ।

१ युहन्ना ३:२

हे प्रिय मन, एखन हमरे परमेश्वर कर सन्तान हेकी, आऊर एखन तक ई परगट नी भेहे कि हमरे का कोनो होवब, मुदा इतना जानिलकि जखन ऊ परगट भेईहे तो हमरे हो उकरे तईर होवब, कालेकि उके उसनेहे देखब जईसन ऊ हय ।

प्रकाशित वाक्य १६:१५

देखा, मोयँ चोर तईर आवा थों, धन्य ऊ हेके जे जागते रहेला आऊर आपन लूगा कर चौकसी राखेला, कि नंगा नी फिरी आऊर आदमी मन उकर नंगापन नी देखबयँ ।

मती १६:२७

अदमी कर बेटा आपन स्वर्गदूत मनकर साथ आपन बाप कर महिमा में आवी, आऊर ऊ समय ऊ सोब के आपन - आपन काम कर अनसार बदला देवी ।

प्रेरितों १:११

आऊर कहेक लागलयँ, हे गलीली अदमी मन, तोहरे काले सरग दने ताकाथा ? एहे यीशु, जे तोहरे ठिन ले सरग उपरे उठाय लेवल जाहे, जे रकम तोहरे उके सरग उपरे चधते देखला, ओहे रकम ऊ फिर आवी ।

परमेश्वर कर वचन

२ तीमुथियुस ३ : १६

सोब पवित्र शास्त्र परमेश्वर कर प्रेरणा से रचल जा हे, आऊर उगदेश आऊर समझायेक आउर सुधराएक आउर धरम कर शिक्षा लागिन लाभदायक अहे ।

२ पतरस १ : २१

काले कि कोनो हो भविष्यद्वाणी अदमी कर इच्छा से कभी नी भेजक, मुदा भक्त जन मन पवित्र आत्मा कर उभराल से परमेश्वर दने से जोठियात रहये ।

भजन संहिता ११६ : १०५

तोर ववन मोर गोड़ लगिन दीया आऊर मोर डहर लगिन ईंजीत हेके ।

भजन संहिता ११६ : ११

मोयं तोर ववन के आपन हृदय में राईबहों कि तोर विरुद्ध पाप नी करम् ।

मत्ती २२ : २६

यीशु ऊपन के उत्तर देलक, कि तोहरे पवित्र शास्त्र आऊर परमेश्वर कर सामर्थ के नी जानल; एहे ले गलती में पड़ल अहा ।

मुफुत – बेचैक लगिन निही